



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. VII. De furtis parvis, quæ ab uno fiunt diversis, aut ècontra.

urn:nbn:de:hbz:466:1-40013

§. VII.

De furtis parvis, quæ ab uno fiunt diversis, aut ècontra.

296. **C**onstat ex Not. 6. n. 292. per furtæ minuta ab uno diversis illata, & ècontra mortaliter contra justitiam peccari posse cum debito restituendi. Porro ratio efficax hujus gravitatis, dum furatur quis singulis nocendo leviter est difficilis, probabiliore est hæc, quod persona per furtæ minuta læsæ confient specialem communitatem, quæ graviter læditur læsis leviter singulis, ergo jus naturale justitiae graviter resistit, sed nequit graviter resistere prout inest singulis, ergo prout inest collectivè acceptis, ergo ipsa natura rationalis suppositâ læsione singulos ordinat ad faciendam unam communitatem independenter à libera eorum conventione, cum aliter vix sit explicablem gravitas injustitiae spectato præcisè iure naturali. Econtra cum plures per furtæ parva nocent eidem, quisque E. g. furando grossum, aut unum vini vitrum ebibendo, aut botrum ex vinea decerpendo, est distinguendum, si ex communi initio Consilio, seu ut complices concurrant, est facilis ratio mortalis peccati, quia quisque est causa totius damni, & in solidum tenetur; ècontra nullus peccat mortaliter, dum quisque furatur modicum ignorans damni ab alijs illati, aut proximè inferendi; nullus enim mortaliter influit in furtæ cœterorum.

Gravis dubitatio est; an singuli peccent mortaliter, quando singuli furantur

non ut complices, seu non ex communī consilio, sed scientes aliquorum furtæ parva facta; aut facienda? affirmant multi cum Vasquez 1. 2. Disp. 140. c. 2. & Molina Disp. 689. Respondeo negativè cum Lugo Disp. 16. num. 52. ex communiore quia nullus tunc graviter nocet: ideo enim quisque graviter noceret, quod damnum suo furto illatum & conjunctum damnis per furtæ cœtera illatis sit grave, sed exinde non graviter nocet: ad hoc enim non sufficit gravitas damni ex coniunctione, sed insuper necesse est, quod sit causa moralis damni per alios illati, seu ut coöperetur aliorum furtis, quod non accidit.

297. Objicies primò quisque eorum adverterenter complet materiam gravem, et si non desideret grave damnum, ergo sicut hoc desiderando peccat mortaliter secundum omnes, licet ipse furetur modicum, ita peccat mortaliter etiam secluso desiderio intentio enim actum defere levem non transfert de veniali in mortale.

Secundò à paritate leviter ultimè vulnerantis, quando præcesserunt plura ab alijs inflicta vulnera citra mortem.

Tertiò quisque eorum coöperatur gravi damno proximi: is enim coöperatur gravi damno, sive quo non existeret grave damnum, sed nisi ponatur furtum

ulti-

P p 2

ultimum de se leve non existit grave damnum, ergo.

Respondeo ad primum, objectum dicti desiderij non esse damnum illatum per leve furtum, hoc enim præcisè intendens non transfert veniale in mortale, sed objectum ejus est totum damnum grave, & ideo est mortale; econtra intendens leve furtum cum scientia cœterorum furtorum non intendit horum damnum, sed sui solum furti.

Ad secundum est disparitas, quod vulnus ultimum de se leve in illis circumstantijs sit adæquata causa mortis consistens in indivisibili: supponitur enim supervicturus ex cœteris vulneribus; econtra in nostro casu damnum est divisibile, proinde nullus est causa ejus adæquata.

Dices: ergo is qui post plures in materijs diversis leviter detrahentes Religioso coram Prælato superaddit levem detractionem, quâ auditâ Prælatus deponit bonam de Religioso estimationem judicando eum indisciplinatum est similis non furi, sed postremo vulneratori, sicut enim hic perimit vitam, ita ille famam: supponitur enim quod seclusa detractione postremâ Prælatus judicium sinistrum non formarer.

Respondeo concedo illatum cum Lugo n. 60. Ad tertium assumptum est verum de coöperatione levi, ut autem peccetur mortaliter, requiritur coöperatione gravis, seu talis cui moraliter imputetur totum damnum; hic autem imputari nequit: sicut si alij Petro minorum darent 99. florenos tu superaddendo unum, quo compleas centuriam, non censeris moraliter dedito centum, sed complementum centuriaz.

Quæres an saltēm is; qui furto levius occatio prævisa, seu dedit exemplum cum prævisione gravis damni inferendi ab alijs peccat graviter non solum contra charitatem, quod certum est, sed etiam contra justitiam cum obligatione restituendi, et si damnum non intenderit?

Respondeo et si probabilis sit affirmativa cum Dicastillo *de pœnit.* Disp. 3, n. 336. eo quod probabiliter quævis virtus obliget, ne etiam indirecte nempe positivo prævio exemplo, procuretur ejus violatio, non est tamen obligatio restitutendi gravis ex tali indirecta coöperatione, eo quod illa fundetur solum in actione perfecte lœsiva, & directe influente in damnum. Sanch. L. 1. moral. c. 6. n. 3, Dicastill: n. 343. Soarez de charit. D. II. §. 2. n. 10.



§. VIII.